

## ذكرياتنا

ماضيـنا وذكرياتنا والظروف والمشاكل آلىـ واقفه دائما ف  
طريقنا.

ومهما مرت الأيام مافيش جديد إتغير ف حياتنا ولا حتى ف  
شخصيتنا.

ولا عمر بياثر فينا ولا دنيا بتخدمنا وحاسين دائما بالظلم  
وأصبح كل شىء سئ ف نظرنا.

دموع وجراح وذكري كانت دافع لنزول دموعنا ومهما طال  
العمر برضوا زي ما إحنا.

وناس كانت معانا وفجأه بكلمه فرقـتناومش عارفين نحدد  
هدفنا

وعشنا ف غربه وعزله ومن مكان لمكان حتى الفرح صعب  
يجالسنا.

وأصبحت الدنيا مش لنا لكن لغيرنا لناس حاسه بالراحه  
والأمان والسيطره الكامله وانتهت الحياه بالنسبانا.

وبنقضي أيام وف إنتظار الموت يفاجئنا وحاسين دايمًا  
بدموعنا وعذابنا.

وأصبحنا ف صراع مع الدنيا الاخ داس على أخوه والصاحب  
مبقاش ينفعنا.

والكل بيسعى ويجري والمصلحه ع حساب العشره آلي  
كانت ف يوم بتجمعنا

والذكرى الطيبه آلي كانت ف يوم بتسعدنا حتى الدين  
والضمير مات داخل قلوبنا

كان لازم نهدي ونراعي العشره آلي بينا ونتمسك بديننا  
وبلاش عيנד ومجادله

بالحب والخير كنا هانرتاح ف حياتنا ونعيش ف أمان والكل  
يقدرنا وتتحقق أحلامنا.

لكن هي دي طبيعتنا وعاشين دايمًا ف مشاكل ماضي  
وحاضر وظروف بتطاردنا.

السعادة الحقيقه ف راحة البال والعشره الجميله آلي كانت  
بتجمعنا وبت رسم الفرحة ف قلوبنا.

يارب قادر تجمعنا وتزيل الكره من قلوبنا وتهدينا وتعالج  
عيوبنا وتنصرنا داخل وخارج بيوتنا.

شاعر العصر صاحب كلمه لها مضمون ومعنى يفيدنا و  
ينفعنا بقصيده جميله تنال إعجابنا.

وتحسن دايمنا من أخلاقنا وتذكرنا باللي خلقنا وداوي همومنا  
و أوجاعنا...